

ARANTZAZUTIK BILBORAINOKO BIDEA EGINGO DU ETA AITA LUIS VILLASANTE OMENDUKO DU

# Euskal Herria korrika jarriko du AEK-k martxoaren 14tik 23ra

Euskal Herri osoa korrika jarriko du AEK-k datorren martxoaren 14tik 23ra bitartean. Arantzazutik abiatu eta Bilbon bukatuko da hamargarren Korrika, eta euskara berreskuratzea denon zeregina dela aldarrikatuko du 2.150 kilometrotan zehar.

Gorane Agirre / Bilbo

ALFABETATZE EUSKALDUNTZE KOORDINAKUNDEKO (AEK) ordezkariak eta Anjel Olalde X. Korrikaren arduradunak martxoaren 14tik 23ra bitartean Euskal Herri osoa zeharkatuko duen Korrika aurkeztu zuten atzo Bilbon eta Baionan emandako prentsaurrekoetan.

1980. urtean euskararen aldeko ekitaldi erraldoi hau lehenbiziko aldiz martxan jarri zenetik gauza asko gertatu dela gogoratu zuen Olalde. Hala ere, lehenengo ekitaldian nagusi izan zen ideiak indarrean dirauela nabarmendu zuen; «euskara berreskuratzea presazko kontua dugu, ezin dugu denborarik galdu, aurrera egin behar dugu urratsez urrats, pausoz pauso, baina korrika, etorkizuna ate joka baitugu. Ideia hori dago Korrikaren beraren sorburuan, eta ideia beroni atxiki nahi izan diogu hamargarren ekitaldian ere».

Korrika 10ean AEK-k honako mezua zabaltu nahi du 2.150 kilometroko ibilbidean: «Urte hauetan lan handia egin da, eta lan horri esker euskara hizkuntza osoa da, hizkuntza modernoa, egungo bizitzaren esparru guztiak betetzeko gauza dena. Baina, hala ere, oraindik ez du bere herrian bertan dagokion maila erdietsi; horretarako euskaldun osoak behar ditu gure hizkuntzak, hau da, euskaraz bizi diren euskaldunak, ez dakitenek ikasiz eta dakitenek euskara une oro erabiltzeko konpomezua hartuz».

Esfortzu hori modu onean egin ahal izateko Plangintza Orokor baten beharra begi-bistakoa dela adierazi zuen Olalde. Hain zuzen ere, Euskal Herri osoa kontuan hartu eta euskararen alde egiten diren esfortzu guztiak koordinatu eta norabide berean paratuko dituen egitasmoa.

«Orain da garaia euskarak bere lekua berreskura dezan» • Hori guztia orain, 2000. urtearen atarian, egin beharreko zeregina dela nabarmendu zuen Korrikako arduradunak. «Orain da garaia euskarak dagokion lekua berreskura dezan, bestela ehundaka urtetako lan isil eta nekagaitza alferrik gal daiteke».

«Gizarte osoa da, euskararen berreskurapena xede, korrika abiatu behar dena». Hori dela eta, duela 17 urte egin zen lehenengo ekitaldiko leloa moldatu eta Euskal Herria korrika aukeratu du koordinakundeak aurtengorako.

Aurreko ekitaldi guztietan legez, aurtan ere euskararen aldeko lanean nabarmendu den pertsona bat omenduko du AEK-k. Oraingo honetan aita Luis Villa-



Anjel Olalde Korrikako arduraduna, AEK-ko buruzagiez inguratuta, Bilboko prentsaurrekoan.

XOUSE SIMAL

santek jasoko du Korrikaren eta euskaltzaleen omena. Izan ere, Olalde azaldu zuenez, «euskal literaturaren ikerketaren inguruan oso ikerketa interesgarriak egiteaz gain, lan handia egin zuen euskaltzainburu izan zen urteetan euskara hizkuntza modernoa, hizkuntza osoa izan dadin».

Aita Villasante Arantzazuko santutegian bizi da, eta AEK-k aukera hori profittatu nahi du Villasantekin batera Arantzazuko santutegiak egindako lan guztia gogoratu eta omentzeko. Era berean, Korrikak euskal gizartetik bertatik sorturiko herri ekimenak urteetan egin duen lan isil eta etengabea ere goretsi nahi du.

## Korrikaren liburua EGUNKARIArekin

KORRIKA hamargarren ekitaldira heldu dela eta, Alfabetatze Euskalduntze Koordinakundeak (AEK) hainbat berrikuntza plazaratuko ditu aurtengoan. Hala, orain arteko historia eta ekarpenak jasotzeko asmoz, liburubatu kaleratuko du Korrika 10ek. Argitalpen horretan Korrikaren inguruko kontu jakin-garri guztiak jasoko dira, alde grafikoari aparteko garrantzia emango

zaio eta faszikuluka banatuko da EGUNKARIArekin batera martxoaren 8tik aurrera. Beste berrikuntza garrantzitsu bat lekuaren aldaketa da. Remigio Mendiburu eskultoreak egindako lekuko orijinala, bederratzitzi urtetan eskuz esku Euskal Herri osoa zeharkatu duen lekukoa, zaharkiturik dago erabat. Ondorioz, Juan Gorriti eskultore eta artisau nafarrak orijina-

laren erreproduzio bat egingo du aurtengo Korrikan erabiltzeko.

Bestalde, Korrikaren mezua leku guztietara hedatzeko Interneten izango da beroni buruzko informazioa. Interneteko <http://www.korrika.eusnet.org> helbidean aurki daiteke.

Ohikoa den bezala, Korrika 10ek bere kanta ere izango du. Oraingoan Andoni Egaña bertsolariak egin

ditu hitza, eta musika eta interpretazioa Gorategi taldearena da. Era berean, aurtengo mezua laburbiltzen duen bideoa ere kaleratuko dute.

Azken urteetan bezala, aurtan ere AEK-k garrantzi berezia emango dio Korrika Kulturalari. Datorren astean aurkeztuko dute eta ehun kirol eta kultur emanalditik gora eskainiko ditu hainbat udalerritan. X

## Urdaibai Erreserbako Segimendu Batzordea osatu dute

■ Ingurunearen

egoera

sozioekonomikoaren diagnostikoa azaldu diete udalei

Erredakzioa / Bilbo

URDAIBAICO Biosferaren Erreserbako Jarduera Sozioekonomikoen Garapen eta Harmonizazio Programaren Segimendurako Batzordea eratu da. Batzordeko burua Esther Larrañaga Ingurugiro sailburuordea da, eta beste zortzi kidez dago osatua.

Iragan asteartean eratu zen Segimendu Batzordean honako erakunde hauek daude ordezkatuak: SPRI, Bizkaiko Foru Aldundia, Eusko Jaurilaritzako Turismo, Ekonomia eta Ingurugiro sailak, Gernika-Lumo eta Bermeoko udalak eta Urdaibaiko Biosferaren Erreserbako zuzendaria.

Batzordea eratze bileran Urdaibaiko egoera sozioekonomikoaren diagnostikoa azaldu zuten, baita Erreserbako Jarduera Sozioekonomikoen Garapen eta Harmonizazio Programaren behinbetiko idazkuntzarako lan metodologia zehaztu ere. Aipaturiko diagnostikoa honako sektore hauek aztertu dituzte: arrantza, industria, turismo, azpiegitura, basogintza eta nekazaritza. X

## TAO hausten duten ibilgailuak jasotzeko baimena dute garabiek

■ Hala jasotzen du Madrilgo Auzitegi Goreneko sententzia batek

Erredakzioa / Bilbo

TAO-Z araututako guneetan aparkatzeagatik ordaindu ez edo ordaindutakoa baino denbora gehiago aparkatuta segitzen duten ibilgailuak eraman ahal izango dituzte garabiek. Hala jasotzen da Madrilgo Auzitegi Gorenak iazko abenduaren 26an kaleratutako sententzia batean.

Horrenbestez, Auzitegi Gorenak baliogabetu egiten du Kantabriako Entzutegi Nagusiak kaleratutako sententzia bat; hark legez kanpokatzen jotzen zuen ibilgailuak eramatea, trafikoa oztopatzen zutenak izan ezik. Auzitegiak «interes orokorrerako oso kaltegarritza» jotzen du baliogabetutako sententzia.

Auzitegi Gorenak zehazten duenez, udal araudiak muga dezake aparkaleku mugatuen barruan ibilgailu bat toki berean gehienek aparkatua egon daitekeen denbora. Era berean, aipaturiko suposizio bietan garabiak legez autoa jaso ahal izango du. X